

燕岩八

燕岩







1



燕巖集

外集

熱河日記弓十四

鵲汀筆談

昨日語尹公所不覺竟日尹公時時睡以頭觸屏余
曰尹大人倦矣請退鵲汀曰睡者睡語者語不相干
尹公微聞其語向鵲汀數轉云鵲汀首肯即收談
草揖余同出蓋尹公老人因余早起過午酬酢其昏
倦思睡無足恠也鵲汀約明日設朝饌要余共飯余
曰每談席常苦日短明當早起鵲汀唯唯次日五更
使臣起趨班余同起因赴鵲汀明燭而語郝都司成

相會而尹公晚已赴朝也且飯且語易數三十紙自
寅至酉凡八時而郝公晚會先罷故閱次談草為鵠
汀筆談

余曰尹大人昨日甚倦客心不安得無有視日早晚
意乎鵠汀曰無是尹公每值午刻暫為龍席交不欲
令人見他熊島小數並無倦客意鵠汀問尹公何如
余曰神仙中人先生與他舊契否鵠汀曰蓬蘽桃李
門運懸殊此來證交一旬之上

鵠汀曰公子當精幾何之學余曰何以知之鵠汀曰
頭炕奇按司威言高麗朴公子精通幾何補我東曰
高麗如東

諸人又稱中國曰漢曰唐言月中有世界當似此地言
地在太空當一小星言地當有光遍滿月中皆奇論
可謂經緯天地余曰鄙人老實未嘗窺幾何半個字
前夜偶獲奇公賞月前堂不覺奇興悠然因此縱談
不顧乃一時詼語況此臆致非幾何所推鵲汀曰不
必過謙願聞地光此倘有光未知受日為光否抑自
發光邑否余曰如夢讀繚字書此刻並已忘之鵲汀
曰愚有平生獨見之語而亦不敢向人說道恐令海
內諸公大驚小怪因此胎得店結伏積證冬夏苦劇
正恐先生感成此證余曰不如此刻道破收幾斗

藥之效鵠汀拙手笑曰否々余曰客不先舉禮也少
頃飯至先置菜蔬次茶酒次餅餌次猪炒卵羹飯最
後至粳白而羹羊肚也中國飲食皆用箸無匙劝酬
留連細酌佐歡無長匙搏飯一飽即掇之法時用小
勺斟羹而已勺如是而無柄如爵而無足形類蓮花
一辦余持勺試一啗飯深不可詰余不覺大笑曰忙
招越王來志亭問何為余曰越王為人長頸烏喙志
亭扶鵠汀臂噴飯噉嗽無數志亭問貴俗抄飯用何
物余曰是志亭曰其形如何余曰類小茄葉因画示
桌面兩人尤為絕倒志亭曰何物茄葉已鑿破混沌

竅鵠汀曰多少英雄手還從借箸忙余曰飯黍毋以
箸共飯不擇手自入中國未見匙古人飯黍將以手
杯乎鵠汀曰即有也不若是長飯黍飯稻慣用箸所
謂操成習古今亦自不同
余曰鵠汀先生滿腹輪囷定然難產志亭問甚麼余
曰大驚小怪胎鵠汀笑曰合用兜羅綿湯志亭曰可
謂囫圇吞棗余曰若非安期棗無乃魏公瓠鵠汀大
笑曰是也余曰還不禁遍身躁癢鵠汀曰何處更請
麻姑爪志亭更請地光之說余曰鄙人第以妄言之
先生以妄聽之否鵠汀曰不妨

余曰晝則萬物照耀夜則羣品黯黑何也鵠汀曰此
受日為明余曰萬物自無明體其本質則莫不黯譬
則昏夜對鏡頑然與木石無異雖含照性其不能自
具明體可知也惜目然後乃發光色其反射處還生
明影水之於明亦猶是也今夫地外環海譬則大玻
璃鏡也若自月中世界望此地光亦常有弦望晦朔
其面、對日處大水大土相涵相映受照反射通寫
明影如彼月光遍此大地其未及受日處自當黯黑
如弦前初月留掛虛魄其土膚厚處當如月中黯影
扶疎鵠汀曰敝亦嘗妄意地有光影與先生所論稍

異余曰不必相似顧聞其說

志亭顧鵠汀連道幾勾山河影云云鵠汀掉頭連稱

否云余問甚麼否云鵠汀曰先生纔說地光郝公錯

認山河影余曰佛說以月中婆婆為山河影是認月

為一圈虛明如鏡照物俯寫大地所謂凸凹形亦為

山河隆窪如西劇本仰渲月中皆非地月本分鄙說

月中世界者非謂真有世界本欲辨說地光而無地

可見則設為月中世界如云易地而處設使吾人易

處月中仰看地輪應似地上望彼月明鵠汀曰是也

先生此說愚已明白會聽既有月中世界則自當有

山河有山河則自當有凸凹至遙相望自應如此不
借大地寫得影子第此地光云々妄謂此非借日光
影自有本分輝映大凡物大則神守物久則精凝老
蚌吐珠光能不夜者神精所聚故也地是可大可以
嵌空宝珠則許大神精自應光明譬如君子和順積
中英華發外視彼滿天星河都有出身光耀志亭且
讀且笑打圈于月中世界望此地光又打圈于地是
嵌空宝珠曰兩個先生當不免月宮一走訟明于姮
娥娘是時無追郝成作證鶴汀大笑打圈于訟明
姮娥句

鵠汀曰月中若有世界世界如何余笑曰既未及月
宮一走則安能知何操閼界但以吾等地界想彼月
世則亦當有物積聚凝成如今大地一点微塵之積
也塵之相依塵凝為土塵塵為沙塵堅為石塵津為
水塵煖為火塵結為金塵榮為木塵動為風塵蒸氣
鬱乃化諸貴今大吾人者乃諸貴之一種族也若使
月界以陰為地則水其塵也雪其土也冰其木也其
火水晶其金琉璃未必月世真切如是雖鄙人情量
設辭然亦安有許大成形此德於陽配體於日而獨
無一物氣聚蠕化乎今夫吾人者入火則焦入水則

溺然亦未嘗難火難水以他界視此則雖謂之居水
居火可也今夫諸蟲水居不獨魚鼈雖鱗介為主亦
有羽毛之族種之為賓雖魚鼈置陸則死亦有時乎
深藏淤泥是鱗介之族亦未嘗難土也敢問職方之
外定有幾個世界志亭曰以西人所記為信則果有
狗國鬼國飛頭穿背奇肱一目種之奇怪非情量所
及鵠汀曰不特西人所紀於經有之余問何經鵠汀
曰山海經余曰環此大地定不知幾處鱗皇幾位毛
帝則以地料月其有世界理或無怪鵠汀曰月世有
無不涉塵寰則所謂越人肥瘦無關秦人前聖之所

不論今見先生之言使我塵煩頓除如坐廣寒宮永
冰飢飲冰漿與伯夷於陵揖讓先後之也乘桴浮海
乃夫子別界妄想若先生冷然御風皞也不敢後仲
由氏志亭打圈于別界妄想曰吾不辭超然為免躍
躍為蟾相與笑哄一堂

鵠汀曰吾儒近世頗信地球之說夫方圓動靜吾儒
命脈而恭西人亂之先生何從也余曰先生則何信
鵠汀曰雖未能手拊六合之背頗信球圓余曰天造
無有方物雖蚊腿蚤尻兩點涕唾未常不圓今夫山
河大地日月星宿皆天所造未見方宿楞星則可徵

地球無疑鄙人雖未見西人著說嘗謂地球無疑大
抵其形則圓其德則方事功則動性情則靜若使大
空安厝此地不動不轉塊然懸空則乃腐水死土立
見其朽爛潰散亦安能久々停住許多負載振河漢
而不洩哉今此地球面々開畧種々附足其頂天立
地與我無不同也西人既定地為球而獨不言球轉
是地知之能圓而不知圓者之必轉也故鄙人妄意
以為地一轉為一日月一匝地為一朔日一匝地為
一歲々歲星一匝地為一紀星恒星一匝地為一會
看彼貓睛亦驗地轉貓睛有十二時之度則其一度

之頃地已行七千餘里志亭大笑曰可謂鬼嘴乾坤
貓眼天地余曰吾東近世先輩有金錫文為三大元
淳空之說敝友洪大容又翔地轉之論鵲汀停筆向
志亭云似傳洪字與号也志亭問湛軒先生乃金
錫文先生弟子否余曰金沒已百年非可師授鵲汀
曰金先生字号並有著書幾篇余曰其字号並不記
憶亦未曾有所著洪亦未曾著書鄙人嘗信他地轉
無類亦嘗勸我代為著說鄙人在國時卒未果前
夜偶同奇公賞月對月思朋因境起興不知所以裁
之大約西人不言地轉者妄意以為若一轉地則凡

諸躔度尤難推測所以把定此地要置一處如插木
橛然後便於推測也鵠汀曰散素昧此學曾亦一二
窺斑如眼七梳茶不復勞精今先生所論亦非西人
所發則吾不敢遽信為然亦不敢遽斥為非要之渺
茫難稽而先生辨說甚精如高麗唐衲鍼孔線蹊一
一明透

志亭曰如何是三大九如何是一小星余曰浮空三
九者日地月也今夫說者曰星大於日日大於地
大於月信斯言也惟彼滿天星宿都不與此地相干
獨此三九自相隣化為地所私立号日月資日為陽

資月為陰譬如人家求火東隣丐水西舍自彼滿天
星宿視此三九其羅點大空自不免瑣々小星今吾
人者坐在一團水土之際眼界不曠情量有限則乃
復妄把列宿分配九州今天九州之在四海之內者
何異黑子點面所謂大澤壘空者是也星紀分壘之
說豈非惑哉志亭自信斯言至瑣々小星亂圖之謬
訂甚稱奇論快論發前人所未發

余曰鄙人萬里間閱光上國敝邦可在極東歐羅
乃是泰西以極東泰西之人願一相逢今遽入熱河
未及覲天主堂自此奉勅東還則不可復入皇都今

幸忝遊大人先生之間多承教誨雖適我大願然於
恭西遠人無路相尋是為鄙人所恨今聞西人從駕
亦在是中云願蒙指教或有相識幸為侶介鵠汀曰
此哥元係監中奉勅道不同不相為謀且駐驛之地
揔是日下人山人海尋覓自難不必枉勞志亭辭晚
間有冗先起收談草五六頁而去
鵠汀曰洪湛軒先生頗能曉占乾象否余曰不是不
是曆象家與天文家不同夫以日月暈珥彗孛飛流
芒角動搖預斷休咎者天文家也如張益虔素才是
角在璿璣玉衡曆象日月星辰以齊七政者造曆家

也如洛下閎張平子是爾漢書藝文志有天文二十
餘家曆法十數家判然為二敝友頗能留心幾何欲
識躔度遲疾而未能也常斥宋景三言炭感退舍處
士加足客星犯座為史家傳會鵠汀曰古之号精渾
儀者閎張以外有蔡伯諧吳之王蕃劉曜光初中有
孔定魏太史令晁崇皆得璣衡遺法而宋元祐中蘓
子容為宗伯時參考古器數年而成及西術之來中
國仅唄盡屬笨伯但共學術淺陋可笑耶蘓者如中
國之語賢為君子蕃俗之稱僞為喇嘛耶蘓一心敬
天立教八方年三十遭極刑而國人來慕設為耶蘓

之會敬其神為天主入其會者必涕泣悲痛不忘天主自幼立四條信誓斷色念絕宦慾有數教八方願無更還故土惡名離開佛篤信輪回明萬曆中西土沙方濟者至粵東而死繼有利瑪竇諸人其所為教以昭事為宗修身為要忠孝慈愛為工務遷善改過為入門生死大事有備無患為究竟西方諸國奉教已來千餘年大安長治共言多夸誕中國人無信之者余曰萬曆九年利瑪竇入中國留京師二十九年補漢哀帝元壽二年耶蘇生于大秦國行教於西海之外自漢元壽至明萬曆一千五百餘年所謂耶蘇

二字不見於中國之書。豈耶蘓出於絕洋之外。中國之士未之或聞耶。雖久已聞之。以其異端而史不之書耶。大秦國一曰拂菻。所謂歐羅巴。乃西洋。摠名耶。洪武四年。捏古倫自大秦國入中國。謁高皇帝。而不言耶蘓之教。何耶。大秦國未始有所謂耶蘓之教。而利瑪竇始託天神以惑中國。耶篤信輪回為天堂地獄之說。而詆排佛氏攻擊如仇。譬何耶。詩云。天生蒸民。有物有則。佛氏之學以形氣為幻妄。則是蒸民無物無則也。今耶蘓之教以理為氣。數詩云。上天之載。無聲無臭。今乃安排布置為有聲臭。這二教孰優也。

鵠汀曰西學安得詆釋氏釋氏儘為高妙但許多譬
說終無啟宿終得悟時竟是一幻字彼耶蘊教本依
佛得釋氏糟粕既入中國學中國文書始見中國斥
佛乃反效中國斥佛於中國文書中討出上帝主宰
等語以自附吾儒然其本領元不出名物度數已落
在吾儒第二義彼亦不無所見於理者理不勝氣者
久矣以充霖湯旱為氣數使然敝友介休然先生頗
信氣數之論以為氣數如此本一理也如此介号希
卷字太初又字北官翁伯學貫天人有翁伯談數一
百卷北里齊諧一百卷又有羊角源五十卷今年六

十餘尚不廢著書羊角源一書尤深天根月窟之理
地轉之說如或有之否也其解說之如蒼飛戾天信
足握固魚躍于淵恃髒彌漲萬物莫不附地重心地
重心者如電自包其不動處如輪有軸此等皆其妙
處敝年少時不肯細心一讀只覩其多少題目到今
亦忘其大旨余曰介希菴先生願於此刻拜謁幸藉
先生為蟠木之容鵠汀曰介非在是間本蜀人今在
易州李家庄販茶為生此距京師二百餘里敝亦相
見已七年以外余曰希菴先生相貌何如鵠汀曰窈
目高顴閭老北公惠薦介經行于朝特授江西教授

稱疾不起介常美鬚髯一朝自斷其鬚以明非誤薦
仍授七品帽服有一連官將薦其所著諸書介欣然
諾之一夜廬舍失火書皆燼未果矣

余曰先生痞證可以道破鵠汀曰僕元無此證老革
多姦烹魚泮々何損君子相與大笑鵠汀曰太初著
書實未曾燒秘在其友董程董稽所必傳於後無疑
公外閩人僕所以暢襟一洩余曰介先生著書多忌
諱否鵠汀曰並無忌諱余曰然則何故秘之鵠汀曰
比歲禁書諉有三百餘種並是他君公願厨余曰禁
書何若是夥耶摠是崔浩謫史否鵠汀曰皆迂儒曲

學余問禁書題目鵠汀書亭林西河牧齋等集數十
種隨即裂之余曰永樂時蒐訪天下羣書爲永樂大
全等書賺人頭白無暇閒筆今集成等書並是此意
否鵠汀忙手塗抹曰本朝右文度越百王不入四庫
顧爲無用

余曰前者先生何貶趙宋鵠汀曰不成統太祖無鴻
功偉業邂逅得國不過當時印板天子立經陳紀每
在顧成之廟而太宗在家未免負心之人余問燭影
一案若道是真矣特負心而已鵠汀曰此誠千古誣
枉是時太祖已大漸爭朝夕耳何苦作此大事迹其

行事宜招是謗此案元出胡一桂陳經私史始於李
燾之長篇乃吳中僧文瑩所著湘山野錄啓之也一
緇徒何從知此嚴密大約下語不無用意遙見燭影
搖紅及聞大声好為不過十數字惹千古無限疑端
燭系昏夜之具影是熹微之事搖紅乃倏翕明滅之
光也大声者不和平之音好為者無別白之辭遙見
遙聞又是不分不明之際真成千古疑案可謂根筆
當時士大夫一不是於不踰年改元二不是於遙嫂
為尼死不成眠積不是於建美德昭之死如何厭得
天下不是底心六國之士積怒羸秦必欲先六國而

亡之巧撰呂不韋一段奇貨又况攄毒於焚阮之餘
乎漢之策士一番罵祭便成奇文燭影一案並是此
意仁宗英氣與於漢文而學識過之神宗圖治勝於
漢武而才畧不及建炎以後無可足論所可痛者忘
誓認親既非天倫那得稱侄力屈而服是為畏天祢
僕稱臣無奈天何至若稱侄稱孫辱孰大焉當時士
大夫欲免陪臣之耻易臣為侄陰納其君於蔑倫之
地其蔑倫敗常石晉一轍而重貴猶能坐招翁來臨
安君臣方且厭然稱賀無識甚矣不講目前之急務
空談影事誠為可厭理宗四十年格致之工博得身

後一理字可笑可笑未知平生所窮之理果是何樣
物事自古人臣莫不欲其君之典學而千載寥々僅
得一宋理宗然無益於勝敗存亡之數置之龜山門
中可稱高足其學問遠不及目不知書之石世龍邈
侂烈天下未可作漂麥看仇士良致仕誠其徒勿令
大家讀書然如寶慶景定之間天地四十年昏霧四
塞坐窮今古掩書堂二頃湖田一半荒正道此時也
道君皇帝儘是名士雖這個東坡先生松筠氣節共
風流鑑賞未必遽議于陳黃諸公亨山大笑曰勝此
諸漢成尤是浪蕩首夏皇上勅諭講官有曰朕每觀

前史臣倭主驕云大成門右牆張榜是也余曰衛
武抑戒無以加之鵠汀曰儘是聖昨日余隨三使入謁
雍人舍是為主前人導其大成門窅新榜乃皇帝刻論熙
臣正及今皇帝訓諭其石牆帖乃皇帝勅諭講
無賓之徒大增虛偽殿上學問文章歷詆前代右文之主
已長語以大抵成羣下與鵠汀一讀義以諂上為人辟者徒
誇余問殿上呼鵠汀言經筵講討人君有得則左右亦
右皆叩頭呼屬歲侍講得之而人主賜可則左右亦
呼萬歲故笑上躬謂從不善也又賀其得善言也漢煙
賈每前奏一篇上未嘗不稱善左右呼萬歲者是也
余曰理宗有宋垂亡之末主其典學與否本不足論
而至以世主好學為作聰明之資則先生之言誤矣
苟使漢文宋仁之美質漢武唐宗之英資得兼程朱

學問則真個克舜不足讓也何必預憂其詞章之末
藝記誦之流弊徑要人辟之寡學哉鵠汀掉頭曰做
不得吾本不論宋理宗亦觀宋史刑法志殊令人憤
憤愚所論典學流弊緊論前代聰明英睿之主正為
漢武唐宋設耳先生所謂得兼程朱學問云々者乃
是設辭這個設辭真令千古志士多少悵恨余曰何
以多少悵恨鵠汀曰出師未捷身先死長使英雄淚
滿襟這是多少悵恨余問甚麼鵠汀曰若使曹孟德
頭痛而死豈不是漢家齊桓余問這話甚麼鵠汀笑
曰如先生所言苟使若使等云者乃是假設譬諭語

非真的也。假使諸葛亮殺得司馬仲達，長驅入中原，
宣不快哉！假令唐明皇還至馬嵬，驛逢楊貴妃，嫣然
轉眄，宣不快哉！假令宋高宗斬秦檜，頭，宣不快哉！假
令程朱兩夫子臨之九五之位，當一日萬機，復有一
個程朱在傍事之，以充舜責難，還當作如何？張心李
夫人轉身一見，當作如何？張心大約一代人主，除
枉脊庸大乖謬，号称中主參量較挈，還勝當世之名
碩，使當世名碩易地，則還有做不得處。余曰：自古帝
王妙臣，其所教不能親君子，遠小人，故其趨在下風。
者固是耽榮冒祿之輩，其不及世主固宜。若使明良

相遭則必不如此明、揚側立賢無方則版築入夢
漁釣協卜乃能同福若彼有不求之豈應天之降才
甬殊哉鵠汀曰不然不然做時不如說時旁局勝似
雷局所謂益公綽優於趙魏老而不堪作滕薛大夫
此敝者史平心究竟處使宋仁宗降誕瀛洛之間其
道學之美當不讓諸賢紫陽平生精力尤甚於四書
而其寶仁宗先已風諭之王克臣及第則於戴記中
另賜中庸一篇呂滂及第則又拈大學篇以賜之其
學識之高明迥出世儒其表章二篇之功已在范文
正之先後儒責漢文帝不立賢、誼作相為漢業作無

限缺望復以斥張釋之高論為文帝卑鄙斷棄然其
實文帝賢於賈生遠矣不見賈生自以為過之今不
及這是文帝由中語非自屑、與賈生較賢否要欲
大做故量已料彼先帝將相大臣如何一朝令未經
事渺然一書生彈壓調伏宣室前席已傾倒他困廩
要將老其才而用之彼賈生雅量不及李鄴侯鄴侯
由白衣相左轉至江西判官未嘗為此自貶伊戚賈
生常鬱、欲吐出胸中許多震耀文帝善藏用不露
許多客氣此文帝有工夫處封三庶孽分天下半當
時素富貴諸公出自推鋒排刃方安坐享鍾鼎孰肯

出頭赫々做事業文帝固已先賈生痛哭太息矣賈
生不勝其躁擾乃發憤指切言某事作痛哭太息所
謂立談之間遽為人痛哭果作如何駭感人梁楚之
劔客先割袁盎之腹河朔之死士當碎裴度之首文
帝固已慮及於此耳余曰為國譬如圍碁人君當局
者也人臣傍觀者也先生所謂當局勝似當局是也
當局迷肯何不聽他旁局提訓鵠汀曰否々馬上得
之則每誇十指生血踐阨守成則衿衣女果若固有
之舉天下之事盡屬之陛下家事者久矣此千古不
易之業若消得一朕字時便是立地克舜若遣不得

這一字時有誰敢伸手出袖孔子誅小正卯已挾震
主之威周公管洛邑時還犯東帝之嫌三代以下經
術大臣無如王莽王莽初非利天下篤信聖人要驗
平生所學其自任以天下之重何嘗以事君為說者
第其稟性躁擾與其坐談堯舜之道不若施之當世驗
之行事必欲於吾身親見之余笑曰聖人何嘗教人
作賊鵠汀亦大笑曰此論人臣做時不如一代帝王
之證黃老治天下或能收一代之效經術做時未嘗
不壞人國塗炭生靈王介甫學術非范韓諸公所及
要之賈誼王莽介甫方遜志一例躁擾人

有一人衣蟒袍掀簾入坐椅不著補服亦不著帽熟
視余語云余對不懂其人與鵲汀耳語數轉即起
去余問彼是何人鵲汀曰這是濟南人姓鄧名洙見
任戶部主事這個龐莽漢子何所見而來何所見而
去余問這位是先生親知否曰否也但知其鄧洙而
已俄刻不識貴邦為震朝同文之國余問濟南尚有
白雪樓否鵲汀曰于鱗曰樓初在韓倉店後改作于
百花洲上在碧霞宮西今約突泉東有白雪樓乃後
人所建非旧蹟也

余曰先生貴黃老而賤經術縱國賊為篤信聖人推

王介甫賢於范文正抑揚太過經術為壞天下之具
聊誠鄙人否鵠汀曰先生如此見罪小子何敢復言
乎余曰先生所論皆高遠非拘儒陋見所可幾及不
無河漢之驚非敢以先生為處士橫議也鵠汀曰可
感先生納污之量大約天下事不可詭遇獲禽亦不
可枉尺直尋如此處置都無說話仲尼之門五尺之
童著稱五霸如此立論更無一事韓昌黎所謂人其
人火其書還應天下太平董仲舒所謂正其誣不謀
其利還應天下道不拾遺且道先生三代已下經術
做治還得幾人倉公鑿人火齊湯要煎大黃四斤二

百年之間張仲景八味湯已用附子五兩轉頭之頃
古今不同伯夷叔齊叩馬之時還有扶去之太公望
若道天下無兩是双非則這兩老子中一個當不免
黑龍江刺配大約天下事譬如兩頭引綆引綆絕處
短者先顛更不言初時力敵故天下有逆順而無是
非既有皎然成敗之迹則逆順二字還為燈後耳語
凡談道者如鳥藏肉鳥之藏肉也望雲而識之雲則
去矣藏失故處天下無鑿成底義理隨時推移經生
措事多小望雲容余曰雲去肉不逆雖時移事往古
今不同然義理自在特人不索之耳鵲汀曰都是先

入定閔中者王之余曰經術壞國豈經術之罪也陋
儒只盜經術之名所以亂天下者皆經術之糟粕也
若能真用經術向所謂天下之田始可井也天下之
諸侯始可五等也鶴汀曰先生真個認得大膽斥經
術否古來言者未必有其心作者未必有其言一部
虛偽世界先生所言還是丹家一套語余曰何謂丹
家套語鶴汀曰文成將軍食馬肝而死

余曰聖人亦不肯就小動手此不無古今之異湯七
十里文王百里興孟子動引殷周以說時君然滕文
公天下之賢君也而作之至許行陳相天下之豪傑

也而爲之民至於班祿經畧已舉大綱而未嘗眷戀
於勝者所謂截長補短將五十里不過爲大國師礪
礪不足輒著此經綸大手齊魏之君至不肯猶眷顧
迴遑不忍去者以其土地之廣也人民之衆也兵甲
之利也貨賂之多也因其勢則易爲力焉所謂以齊
王由反手鶴汀曰孔子曰替月孟子則已言五年七
年之別道非加尊於齊而有貶於勝也古今之形殊
而大小之勢異也孟子決不先言帝王令人倦睡余
問衛鞅先言是何許帝王鶴汀曰特假黃帝堯舜之
号謬爲汗漫沒要之語故令人厭聽此孫武子三

之術也

鵠汀於論辨古今人物學術義理類多抑揚

大方問

輒復舍糊余晚始覺之出孟子一段以試之鵠

汀主論

亦此下數段失之語不相屬

鵠汀曰諸葛武侯學出申韓却是究却未嘗細心讀

書如後世經生然其於孟子却見得大義分明其眩

中鏤得一公字眼中都不見成敗二字三代以還獨

孔明一人可當大臣之責其論治道則曰官中府中

俱為一體其勉君德則曰不宜妄自菲薄引喻失義

其自任以天下之重則曰諸有忠慮於國者但勤攻

吾之闕失此可謂為世身死勿補大丞相余曰取劉

璋豈不是枉尺直尋鵠汀日未必孔明教它座中襲
取劉璋合當声討不宜學螳螂捕蟬自其父馬援全
蜀天府之國不佐諸侯討國賊此其意何在劉表擁
荊州九郡之地興學校陳雅樂此何等時也而其雍
容若是若究其無漢之心當先正同姓諸侯之罪此
州廬高卧之日久已憤懣於表馬之徒苟有一帝室
之胄信義素著者明目張膽必先權操而致討程朱
每恨孔明學未純正為取蜀惜然跨有荆益本是草
廬開卷第一義此孔明眼明國賊學術正大處但劉
馬有可討之辭而在璋則無詐取之義荊州無代據

之勢而於琮則有襲奪之機劉琮明以國土納賊昭
烈明以大義取之則天下夫孰曰不可抵死守信於
荊州忽露姦雄於益州不食嗟來竟未免於臂余曰
使個鴛鴦脚踢倒支雄踞鵲汀大笑曰先生亦會使
官話我東僊語梅路奪物調奪小兒染涕餅人爭話
有鴛鴦脚云並與陽順同意而句雅此刻語次以
華音用此話而口鈍不成成聲鵲汀不識為何語余
笑有此大假使成王殺周公召公豈敢曰在家不知
朱子答魏元履書亦論昭烈不取荊州於劉琮迎操
之日狼狽失據則乃出於盜賊之詐謂之經權俱失
然愚謂是時雖得荊州亦守不得曹公已以八十萬

厥境焉能以區、新造之荆抵當得它不如堅守廬讓
之節還剩得天下信義之聲所以不取於迎探之日
此經權俱得處劉璋暗弱不恤士衆草廬初見之日
已贊其魚弱攻昧之術當不曾教它詐取致堂胡氏
規規以玄德公從遊廬植陳元方鄭康成真個以經
術學問之士推之可笑哉這是雲蒸龍攄喚人不悅
者之梟雄無事則愁欲哭有聲則起問皮天地間獨
慮無身急則棄妻子走何有乎劉璋小猴子此刻孔
明決不當西向呼呂後儒徒執成跡責備先生處欲
出湯武之右此亦後世私意於湯武一二事敢怒而

不敢言於伊呂例用庇護、千古一座東林牢不
可破伯禽被撻竟是何罪正恐夫子未出於正一例
事功分戡心跡此後儒黨比之習伯仲見伊呂此善
評也大約千古君臣俱有斷案一婦一夫不獲其所
若已推而納之溝中為人主者舉有是心至若推斯
心加諸彼則殺一不辜行一不義王天下不為也斷
無是心此後辟之斷案雖暴君暗辟猶或有納忠獎
直之舉雖一代之賢弼未聞甘受勤攻自開言路在
人主則雖雍齒之誓或能恃而不恐在人臣則雖韓
富之賢歿身不能釋憾此千古人臣之斷案

余與鵠汀共處五日每談次頻發嘆息之聲其聲喟
古所謂喟然太息者是也余問先生平居何頻發嘆
也鵠汀曰此吾痞症噫氣遂成長喟也生平讀書千
古不如意者十常八九安得不成此痞患余曰讀書
時每發三嘆則先生所嘆當多賈傳六萬太息矣鵠
汀笑曰天下事每隔一水只爭濟不濟耳敝讀書至
夫子臨河曰某之不濟命也吾未嘗不三嘆項羽不
渡烏江未嘗不三嘆宗留守三呼過河未嘗不三嘆
只此九太息已多賈傳六太息矣相與大笑余曰頭
厄已發志士萬太息鵠汀色變已而色定裂頭厄按

鑪中曰魯人獵較其亦獵較豈不是時中之聖李卓
吾忽自開剝這是亮性余曰聞浙中剝頭店牌号咸
世樂事鵠汀曰未之聞也是與石成金快說同意前

與鵠汀語有頭口
足三大厄之說

余問明朝立國何如鵠汀曰禮稱勝國是也不必論
孔子稱殷人賢聖之君六七作宋朝無可觀武力不
競范韓有其責立國規模如奕世詩禮家其子弟雍
容尊俎未嘗疾言遽色僮僕妾蛇階庭不見急步大
唾第是揖讓未畢訖豆已爛寢廟方災祝史是招余
曰可做禮樂否鵠汀曰固不之多方依樣漢世如飲

暹羅燒酒氣猛醕醒大醉歌者哭者舞者罵座者使
得天真都出來宋朝如飲其退糟相顧稱醇泊然整
容雖終日不亂真意都宗室大臣未見一河間獻
王有誰鄭載堦余問鄭是何代人鵠汀曰前明宗室
鄭王之世子名載堦著律呂精義前明可謂金声而
玉振之余問何謂鵠汀曰始終本末終是光明無一
苟且余問果能若是否鵠汀曰太祖云余筆而不
肯書似是掃迹胡建文大內壽終大奇事唐元宗竟
元為正大元明也
未免銅絲籀彼天灵盖余問甚麼鵠汀曰李輔國推
碎張良娣常進鴆腦酒瘡甫宗天順復位大是奇事

千古無雙天子被拘孰能免行盃執蓋之辱崇禎十
七年拜得五十相用人之顛倒如此共作事無漸可
知君子寧有玉碎不為瓦全這是大居正其興亡可
謂千古無雙余方細書四海遺黎鵠汀遽日本朝得
國之正無憾於天地翔業者莫不為仇於革命之際
國朝還有大恩於茲鼎之初為前朝報誓惟我朝是
已八歲小兒渾壹區夏自生民以來未之或有也我
世祖章皇帝初非有利天下之心只為天下明大義
復大仇拯救斯民於血海骨山之中天與之民故之
首廩殉難之臣范景文等二十人往歲皇上延查崇

禎死事諸臣通與忠愍：節等謚一千六百餘人大公
至正扶綱植常自三五以還未之或聞也有天下者
無庭內慚德然後能享國久長

余求見乙未十一月內閣奉諭崇禎死事諸臣獎忠
詔鵠汀許夜間謄示

余問前者先生言前半夷齊者太伯仲雍後乎夷齊
者管叔蔡叔者何謂也鵠汀微笑不答余強之鵠汀
曰自古義理譬如鎔金注范金無自成隨范為器又
似硯貝自有定色而觀者正側各自不同決東決西
只此一水余曰激水在山豈水之性鵠汀曰正為天

下事多倒行孔子曰太伯三以天下讓商辛之於太
伯之時未及胞胎養生古公之於諸侯之國不過要
荒附庸未知當時天下竟是誰家未知太伯三讓果
向何人朱子言季歷生子昌有聖德太王因有剪商
之志此謬也可謂太早許克昌吾家則有之豈合因
此妄希非望朱子又謂亦出於至公之心說得非是
未知至公果是何心但周家肇基之迹必有其故而
後世無傳焉孔子忽嘆到太伯身上而周家肇基之
迹隱然有甚操物事雷公駁朱還如刀民具控余問
雷公誰也鵠汀曰毛奇齡國初大家也余笑曰毛臉

雷公鵠汀曰是也又稱蝟公謂其遍身都是刺也余
曰西河集愚亦曾一番驟看其經義駁朱處或不無
意見也鵠汀曰大是妄人也即其文章亦如刁民具
控毛蕭山人也其地多書吏善舞文故明眼人目毛
曰蕭氣未除

余曰文王乃太王季子之子也見小孫聖德之時太
王壽考當不下百歲自歧雍至荆蠻道里不下萬里
捨百歲之親而採藥萬里之遠所謂三年之病求七
年之艾也然而孔子稱太伯為至德朱子稱太王為
至公非如伯夷太公之不相時也由太伯而論則太

王不應為至公由太王而論則太伯不應為至德聖
賢至微至精之旨有非庸學淺見所可窺測而鄙人
亦不能無疑於此也鵠汀曰先生說得是然亦不可
迫人於隘蘓子瞻只外面看處斥武王非聖人此子
瞻讀書粗處論語稱文王至德三分天下有其二猶
服事殷其集註以為荆梁雍豫徐揚故周而屬紂者
惟青兗冀此誤也愚謂三分非如蜀漢吳魏之鼎峙
也如虞芮之斷訟而退三分天下之心二分故周也
乃若莽操則真據天下二分之勢而已廢服事之禮
文王則真得天下二分之一心而不知有我不見紂忌

若子弟之服勞於父兄蚤夜自行於臣道之中非如
說者之謂真有九州之六其勢足可以代商而姑為
此盡臣分為恭也苟如說者之言則孟德之周文王
曷足為至德哉三分乃分數之分其至德正為文王
若愚人然都不辨是非後世所謂天與人啟者於我
何哉朱子以為高於武王是也天下有視其身為龜
毛兔角則紛々以天下看作大事者不過鷦鷯飲
而止耳上世固不如此個學問則孔子未必過計於
太伯而太伯是個頂天立地之漢子太王是個強厲
忍詬底為人余曰史記論伍子胥強厲忍詬莊周稱

殷湯強厲忍詬鵠訂曰是也仁而能殺禮而能武智
而能問勇而能伏信而能度此強厲忍詬底性情不
如此亦不能撥亂反正大約肇基朔葉者非挾風霜
不能乾清坤夷天地交革非風霜雷電不能成歲十
月之交乃天地革之時也安得無大震剝乎周公鋪
述先懿好作一篇神道碑玲瓏共玩中秋月誰道前
霄雨打牕後世真認太王無心於天下點檢醉睡渾
不知何異庖丁磨刀念經不容榻外他人睡肯自營
中醉似泥太伯至德不在讓天下讓天下孔子倒叙
將來事其至德正在民無得而稱焉非愚則聾都不

識商室有何許惡天子還未省家裏生出何許聖德
兒自家未免大癡不慧人非我太伯忘天下天下都
忘我太伯所以民無得而稱焉朱子以為高於文王
是也春秋傳稱太伯不從是以不嗣此妄也太子將
喋々與謀之而太伯將俛々然諫之乎若使天下稱
至德時還敗乃公事此吾所謂頂天立地的漢子內
所謂前乎夷齊者只從語注一番說與今說不同余
曰後乎夷齊者管叔蔡叔然則先生亦將此德管蔡
於太伯乎鵠汀曰敝本旨與此不同只明漢家朔葉
正大光明非謂管蔡還有至德也有稱管蔡殷室之

忠臣文王之孝子者此雖憤曲學之阿世激陋儒之
苟同然如此立言豈不悖哉僕只腕徒看古今成敗
之迹曲成義理義理之上疊帽義理所謂揚之則出
青天抑之則入黃泉吾儒亦不無縱橫之習抑揚大
甚亦一縱橫也漢平始中王莽不受新野田吏民守
闕上書者前後四十八萬七千五百七十二人諸侯
王公列侯宗室叩頭請加安漢公九錫以當日論之
則翟義陳豐豈不是流言之管蔡若使管蔡得行王
法於周公案已成則雖有千手觀音難扶姪某余
曰王安石詩假使當年身便死一生真偽有誰知不

令便死使聖姦立判豈非天意鵲汀曰這非荊公詩
乃樂天作也周室固多度之家周公多謗之聖指斗
折衡縱捨盜賊雖是弔詭之論而洞照百代之弊原
孔子作春秋自述其功罪則周公制作固將自傷為
禍首近世造墨者皆倣唐成主製造針者盡借李公
道名唐太宗將藉口於齊桓公則急購副本之管夷
吾魏徵天下之姦人也應絳而出唱個大喏抗顏中
天下而立曰管仲在此有問爾管仲何不死于子糾
乎魏徵仰看白日曰聖人許我不死問曰何許聖人
周全汝乎對曰魯國之孔夫子多聞博識至公血誠

之聖人萬世之師表一唾落地為金為石質諸鬼神
而無疑達諸天地而不悖俟百世聖人而不惑問曰
夫子何嘗許汝不死魏徵揚聲曼詠曰豈若匹夫匹
婦之諒也自經於溝瀆之間而莫之知也豈不是仲
尼許我此非但魏徵自解脫所以投契太宗平生獻
媚處若要當里保正飛報四隣手本則夏侯令女恐
無截耳之日余曰何不再問於魏徵曰小白兄也子
糾弟也管仲子糾之不成臣鵠訂曰是也魏徵與秦
王世民俱是大唐太子建成之臣魏徵發迹黃冠乃
是米道其十漸之疏若耳提面命市門謚語千古無

殺死之仲父則貞觀天子不顧殺我田舍翁君臣馴
僧上下征利此今古成敗之一大斷案成敗二字非
可形於儒者口角侯之門仁義附焉帝範一書真是
摹克裴舜吾儒所說天命跳不出氣數二字這個氣
數還是成敗之迹常時說天與之人歸之這是一套
笨話古來逆取順守者何莫非天命所篤誕后稷之
稼有相之道何莫非神享民安日聞漢民頌莽功德
未見虞神吐晉馨香鵠汀此語陰有所指非泛論歷代
談說之際時露本情特借歷代
達順成敗之迹以俯仰感慨
余曰但說氣數則天地間都無著手處聖人罕言命

所以爲世立教不得不如此然時來風送滕王閣運
去雷轟薦福碑天地間都是時來運去鵠汀曰然所
謂財成輔相天工人代自世教者雖云順理自天意
者還有傷巧悖拂余曰人有恒言天不容偽而方其
興也侯霸之詭言氷堅天亦從偽至誠禱祝未必遂
願而方其亡也張世傑之辨香祝天快副其誠天下
之至公莫如鷄鳴使孟嘗得脫庠口則一人感口萬
鷄隨唱天下之大信莫如潮沙使宋祚莫能復延則
錢塘江潮三日不至興亡之際鬼神造化之迹亦有
偽信互用誠詭並行其所欲與者未必天之所說而

潛扶默護曲有恩意其所欲奪者未必天之所憎而殘忍慘毒若報深仇者何也鵠汀曰我朝貝勒博洛統兵趨浙常於江岸而是時江潮又連日不至

余問中國所稱攝政王誰也鵠汀曰這是睿親王諱多爾袞我皇清之一個周公順治元年四月賜睿親王御前纛纛自盛京統領大軍方進向寧遠而流寇已碎皇城則平西伯吳三桂迎我師入関復誓除亮睿親王諭示官民取殘不殺共享太平之意民大悅五月睿王進朝陽門御輦陳明鹵簿受明文武衆官朝賀武英殿余曰是時天下都是睿親王得之何不

遂自做天子鵠汀曰故是我聖清之周公當時事亦
還有做不得處當時諸親王個々英勇人々豪傑我
世祖九月入京師外則江左未平內則親賢翊輔余
曰當時諸親王功德如撰政王者幾人鵠汀曰列聖
實錄未及遍班中外則宜先生未知也明亡後福王
稱尊江寧改元弘光順治二年五月豫親王統師南
下勝乘渡江直抵江寧福王遁入蕪湖六月為統兵
田雄馬得功所縛降余問豫親王名為何曰多鐸其
英武不下睿親王英親王名阿濟格追勦自成肅親
王勦擊張獻忠親射殪之快雪神人之憤肅王名豪

格天所建也孰能當之余曰弘光若斥馬士英輩而
全仗史可法諸賢則江南之地如之何不世守也鵠
汀喟然嘆曰天所廢也孰能興之迹其行事幽厲桓
靈曾所未見也睿親王遺史可法書引春秋大義君
弑不討賊不當立君以責之且說之曰閭賊手毒君
親中國臣民未加一銖朝廷除棄宿嫌爰整虎旅掃
滌兇穢為天下復君親之讐首崇懷宗帝后咸如典
禮國家之定都燕中乃得之閭賊非得之明朝也且
削尊遼藩永綏福土朝廷待之虞賓史可法答曰國
破君亡社稷為重迎立今上謂鵠明汀自注天與人歸殿

下入都為我帝后發喪成服凡為大明臣子者孰不
感激圖報而乃欲引春秋來相詰責若坐昧大一統
之義將何以維繫人心莽移漢祚光武中興丕廢山
陽昭烈踐阼懷愍北轅晉元嗣基徽欽蒙塵康王續
統是皆亟立位号於國誓未報之日而紫陽大書綱
目不斥為非云云皇上御製書事一篇明定是非又
御批通鑑輯覽大公至正欽許福王稍能奮志有為
則未嘗不可同宋之高宗南渡偏安乃任用馬阮奸
黨是非顛倒雖史可法力矢孤忠無奈乎一木傾厦
欽此聖諭可與天地同大自古廢興有數如此奈何

奈何余曰史可法書又曰貴國夙膺封号余亦自注

謂清今軀除亂廷可謂大義乃反因以規此幅負為

德不卒是所謂以義始而以利終也其書可與日月

爭光鵲汀大驚曰公外國人何從讀此西書俱載李

目而鵲汀之意似以余為外國人當未能詳知明清之際故為之脩說史之答書而截往段夙膺封号

等語故余為繼誦則鵲汀驚其能脩知此書余曰史

公此書亦係禁書否鵲汀曰不是禁書皇上手親載

之御換諸編我朝寬大不諱前代所稀余問這西書

義理孰是鵲汀微笑曰互引春秋而斷爛已久俱稱

天命而孰開諄々隨即抹去余問睿親王身後緣何

被籍鵠汀搖手曰多少說得長鷓鴣之詩所以作也
程子稱金滕如近世祝文當焚埋而重其事故藏之
金滕此巧就周公若然則李宸妃水銀殯殮亦一金
滕華林鳴蛙為公乎為私乎大約為世教立言不得
不為之遷就則各尊所聞又從而為之辭宋之士大
夫喜談理學然心與佛教者有之躬行道教者有之
廿一代全史都是演義十三經注疏太半傳會諸子
百家之語多少寓言此等區々自得不可獻諸君上
不可傳與子孫不可輒向同牕強辨今逢海上異人
畢生無再會之地又安得不激我衷情因潛然淚下

又大笑曰卽克夫每事分作四柱大是局滯余問如
買盆占其成毀否鵠汀曰如春夏秋冬仁義禮智皇
王帝伯金木水火其學術無活機似精而實麁朱子
評康節不及張子房又評其姦雄手段不及莊周十
倍過不得朱夫子光明眼朱子評莊周其論道體甚
好其名理非後儒所及此朱子公明處余曰盈天地
間萬事萬物非朱子勘定便似廣本鵠汀孰視余良
久曰後朱子而生者皆土木形骸否偏聽陳亮則按
唐仲友恐傷於刻誤解通書則抵史局書似涉於誣
所謂無極而太極不知怎地話一筆句之可也

余曰上國文教訖于四海敵邦雖被東漸之化而中
外既殊則即如立國規模傳授心法莫得而知也鄙
人不無悵然於同文之域鵠汀曰立國規模指得甚
麼余曰五帝不同樂三王不同禮即如夏尚忠殷尚
質周尚文鵠汀曰觀其所因則雖百世可知其損益
昔人以天下比之金甌今日金甌即如善熟之西瓜
余曰金甌無缺而西瓜易破鵠汀搖手曰否也西瓜
外青內黃多仁爽利所謂歲天下於天下懲前朝流
寇之患凡賑貸之政靡不用極外兼三王而內濟二
教驅策天下士大夫囿之文教名分之中而小民自

行乎其素前代強本弱枝之術不過隳名城殺豪傑
不然則徙諸田屈昭於閔中而不識所以撫綏之方
本朝文謨武烈遠過前代尊尚儒術專畀中土陰銷
豪傑不逞之心推廣封典遍加外番潛分戾狄兼並
之勢挫抑滿州待之以黻鞬弓馬之事以壯根本之
地頻開河功聚天下奇技淫巧之士以慰游食之徒
恭己正南面而已夫天下何思何慮克舜垂衣裳而
天下治蓋取諸乾坤民可使由之不可使知之此克
舜之意而孔子述之而秦人用之也余曰又是奇論
願聞其說鵠汀曰耕鑿隨分帝力何有此微服康衢

暗歡喜處自衛返魯刪詩書正禮樂此為世道迫不
得已處罷封建壞井田焚詩書坑儒生此一統天子
大有為處自古帝王比德於堯舜則喜比德於桀
則怒而未聞學堯舜者也於始皇則祖述之憲章之
未聞有一代之主令天下曰此堯舜之事其議行之
此亡秦之事其議罷之此所謂十三經廿一史都無
開卷處宰相比之蕭曹則逡巡而不敢當比之鞅斯
則欲食其肉而寢皮然自蕭曹房杜号称一代之良
佐者皆鞅斯之罪人也彼鞅斯猶能強公杜私上下
相信然功烈如彼者罪在所學蕭曹元無可罪之所

學僅能自免於其身爾得乎上則失於下媚乎民則
猜於君未知一代之賢治何事隔架遮攔一失手則
倒撞下來

尹亨山自班出直至談所余與鵠汀下椅肅揖尹公
忙扶余坐椅出懷中鼻烟壺以示之紫瓊瑚造成也
尹公又自懷中出黃襪裏異錦二匹解而示余鵠汀
連稱欽賜尹公滿面喜色一鴉青羽緞繡桃花一醬
色雲紋緞金線繡仙佛亨山忙閱談草一展即涉筆
曰建文大內壽終元無是事王先生傳聞之誤鵠汀
曰傳疑亦一史家體余曰吳亮擲巖故事豈不是真

鵲汀曰固多前輩辨說短長此等不必索言必無爲
一真時豈不是千古奇事白龍卷故事雖系蘿落卧
被之書亦一邇來望思之臺筆、心頭血一落染天
地余問史仲彬致身錄豈後人擬作否鵲汀曰環珮
空邇月夜魂年、杜宇哭冬青此苦心人妄想也亨
山曰昨王先生言漢興無慚德可興禮樂說得非是發
号出令於朝廷之上雷動風行仁聲所及四方億兆
皆得以考其得失其閨壺燕私之時隱行細德有非
外庭所得而知也故必有賢宗室如河間獻王者爲
之歌詠叙述又妙能審音然後可以合其德所謂琴

瑟友而四時和律呂調而萬物統也漢之樂歌安世
房中最似近之而獨枕一宦者股仰數未央宮椽元
首叢眊大風之烈委地矣至於辟陽之慚外庭難諱
人羣之酷神人共憤則造端之始覲刑可知薄姬魏
豹之美人孝景王皇后奪之金王孫陰麗華之寤寐
思服未知誰所歌詠乎王室至親無如河間之賢而
閔睢之化釐降之美非所可論故樂自樂而德自德
從可知也余曰白登奇計是甚麼奇計鵠汀曰其計
秘世莫得而傳焉余曰這條奇計莫不是城下長跪
事不自媿緣何秘之尹公大笑曰發前人所未發余

曰是時冒頓當不會講叩壁與櫬許多儀注鵠汀曰
自古中國未嘗得志康居授首顏利起舞是要啼偶
打余曰先天下之憂而憂則萬乘真個苦漢高祖枕
股仰屋時八年經營所得何事霜降水落回首齒冷
想應是時天下都似鷄肋亭山曰宰相亦然酒色財
氣都喚不應時想到五雲唱名是誠何心鵠汀曰老
爺穎尾求田著數筆點綴亭山大笑曰眼前汲汲都
是身後訐蠶老自成繭非期永繡人余問鵠汀尚不
廢省闡否鵠汀曰已付鄧禹笑人寂々問先生如何
余曰一樣鵠汀曰白頭荆園士之恥也亭山把筆欲

書先自大笑向鵠汀語鵠汀亦大笑余曰兩先生如此
啞嚙軒渠常有絕奇事鄙人不識裡面無以捧腹
助歡兩人尤大笑絕倒亨山曰康熙己卯省闈間有
有二歲舉子姓黃名章廣州佛山諸生也自言今科
且未中來壬午省闈亦未可中至歲乙酉吾年百八
歲始當獲雋尚有許多事業為國家効力耳余亦不
覺絕倒問這黃章果中乙酉科否兩人掉頭尤不耐
笑鵠汀曰這箇不中時都快留作世間缺陷事若符
其言時都沒味也

亨山曰先生來時曾遊千山否余曰千山迂行百餘

里且緣行忙只望天外數點螺髻亨山曰老僕曾於
歲戊寅降香鑒巫閭有貴邦人墨題姓名余曰姓名
爲誰亨山曰六七輩其姓名偶未之記余曰敝邦先
輩金昌榮字大有号老稼齋曾於康熙癸巳遊千山
而鑒巫閭山亦常有題名處亨山曰千山敝無緣一見
稼齋金公還有幾句佳作否余曰有數卷文集不能
記一二佳句金稼齋亦於暢春苑見李榕邨先生當
時問老亨山曰榕邨先生康熙癸巳間想已南畝矣
邦緣相見余曰榕邨先生諱李光地也否兩人皆點
頭亨山曰痴欲煎膠粘日月是時日已暮炕內沈

故已喫燭矣余曰不須人間費膏燭燬縣日月照乾坤鵲汀搖手又墨抹燬懸日月蓋日月燬書則為明字余則偶對粘膠句而燬懸日月頗諱之也

余曰昨謁聖廟朱子陞配殿上然則為十一哲矣何時陞享否亨山曰康熙時躋享十哲元非孔門洽當底定論不過一時與難於陳蔡之間爾自唐訖今無敢議者夫有若之言四見論語以其似聖人子夏子張之徒至欲以事孔子事之則其賢可知矣公西赤志于禮樂有為邦之才則不亦遠優于宰我冉求乎求予之言行不必徵諸史傳考之論語中其優劣不

可同日而語宜進祀二子于殿上改求子于廡中先
輩鄭端簡王貽上論皆如此王為國子祭酒時具疏
欲改正為人所沮疏未果上此可為萬世之公論士
流至今惜之

亨山問朴先生今有著書幾卷亦有佳集携至中國
否余曰平生學殖鹵莽未曾著得幾卷書亨山曰雖
有周公才美若涉驕吝餘無足道先生有如此下未
其說而奇豐顛入來示余所衣白紵袷日暮稍涼時
余皇賜而鼻烟壺遂罷起余所衣白紵袷日暮稍涼時
月方垂軒相與散步階上亨山摸余衣曰坐中不勝

清癯

余與鵠汀談最多蓋六日對牕通宵會話故能從容
彼固宏儒魁傑然多縱橫反覆余雖我京八日至黃
州仍於馬上自念學識固無藉手入中州者如逢中
州大儒將何以扣質以此煩寃遂於旧聞中討出地
轉月世等說每執轡據鞍和睡演繹累、數十萬言
脛中不字之書空裏無音之文日可數卷言雖無藉
理亦隨寓而鞍馬增億筆硯無暇奇思絃宿雖未免
沙蟲猿鶴今日望衡分外奇峰又復隨颿劈疊無常
信乎長途之良伴遠游之至樂既入熱河先以此說
贅諸奇按察豐額奇雖額可而不甚理會鵠汀志亭

亦多醜瑩然鵲汀亦不以此說為甚非也蓋鵲汀敏
於酬答採紙輒下數千言縱橫宏肆揚扞千古經史
子集随手拈來佳句妙偈順口輒成皆有条貫不亂
脈絡或有指束擊西或有執堅謂白以規吾俯仰以
導余使言可謂宏博妙辨之士而白頭窮邊將歸艸
木誠可悲也及入皇京與人筆談無不犀利又見所
作諸文篇則皆遜於筆語然後始知我東作者之異
於中國也中國直以文字為言故經史子集皆其口
中成語非其記性別於人也為之強作詩文則已失
故情言與文判為二物故也故我東作文者以齟齬

易訛之古字更譯一重難解之方言其文旨黝昧辭
語糊塗職由是歟吾歸而遍語之國人則多不以為
然良足慨然也已矣菴溪雨屋謾書

燕巖集

外集

熱河日記弓十五

山莊雜記

夜出古北口記

自燕京至熱河也道昌平則西北出居庸關道密雲
則東北出古北口自古北口循長城東至山海關七
百里西至居庸關二百八十里中居庸山海而為長
城險要之地莫如古北口蒙古之出入常為其咽喉
則設重關以制其阨塞焉羅壁識遺曰燕北百里有
居庸關、東二百里外有虎北口虎北口即古北

口也自唐始名古北口中原人語長城外皆稱口外
口外皆唐時奚王牙帳按金史國言稱留斡嶺乃古
北口也蓋環長城稱口者以百計緣山為城而其絕
壑深澗呿呀突陷水所衝穿則不能城而設亭鄣
皇明洪武時立守禦千戶所関五里余循霧靈山舟
渡廣砌河夜出古北口時夜已三更出重関立馬長
城下測其高可十餘丈出筆硯啖酒磨墨撫城而題
之曰乾隆四十五年庚子八月七日夜三更朝鮮朴
趾源過此乃大笑曰乃吾書生甬頭白一得出長城
外耶昔蒙將軍自言吾起臨洮屬之遼東城塹萬餘

里此其中不能無絕地脉今視其塹山填谷信矣哉
噫此古百戰之地也後唐莊宗之取劉守光也別將
劉光濬克古北口契丹太宗之取山南也先下古北
口女真滅遼希尹大破遼兵即此地也其取燕京也
蒲覓敗宋兵即此地也元文宗之立也唐其勢屯兵
於此撒敦追上都兵於此禿堅帖木兒之入也元太
子出奔此閔超興松明嘉靖時俺答犯京師其出
入皆由此閔其城下乃飛騰戰伐之塲而今四海不
用兵矣猶見其四山圍合萬壑陰森時月上弦矣垂
嶺欲墜其光淬削如力發矧少焉月益下嶺猶露雙

火忽度火赤如西炬出山北斗半揜閔中而夷舜四
起長風肅然林谷俱鳴其獸嶂鬼嘯如列戟搃干而
立河瀉兩山間闢狼如鉄駟金鼓也天外有鶴鳴五
六舜清憂如笛舜長喙或曰此天鵝也

我東之士生老病死不難疆域近世先輩唯金稼
齋吾友洪湛軒踏中原一隅之地戰國時七國燕
其一也禹貢九州冀乃一也以天下視之可謂一
隅之地而自元皇明至今清為一統天子之都
如古之長安洛陽蘓子由中國之士也猶自幸其
至京師仰觀天子宫闕之壯與倉廩府庫城池苑

圓之富且大而後知天下之巨麗況如我東之士
一得巨麗之觀其所自幸當如何哉今余此行在
有自幸者出長城至漠北先輩之所未嘗有也然
而深夜延程輦行夢過其山川之形勝閑防之雄
奇未得以周覽時微月斜照關內兩崖百丈壁立
路出其中余自幼時膽薄性怯或晝八空室夜遇
昏燈未嘗不髮動脈跳今年四十四其畏性如幼
時也今中夜獨立於萬里長城之下月落河鳴風
淒燐飛所遇諸境無非可驚可愕可奇可詭而忽
無畏心奇興勃々公山卓兵北平虎石不動于中

是在所自幸者也。所可恨者，筆織墨焦，不能大書如
椽，且未及題詩，為長城故事也。及東還之日，中
爭以虛酒相勞，且問熱河行程，為出此記聚首一
讀，競拍案叫奇。

一夜九渡河記

河出兩山間觸石闔狼其驚濤駭浪憤瀾怒波哀湍
怨潮犇衝卷倒嘶哮踣喊常有摧破長城之勢戰車
萬乘戰騎萬隊戰砲萬架戰鼓萬坐未足論其崩塌
潰壓之殄沙上巨石屹然難立河堤柳樹實冥鴻濛
如水祇河神爭出驕人而左右蛟螭試其掣攫也或
曰此古戰場故河鳴然也此非為其然也河殄在聽
之如何爾余家山中門前有大溪每夏月急雨一過
溪水暴漲常聞車騎砲鼓之聲遂為耳崇焉余常閉
戶而卧此類而聽之深松發籟此聽雅也裂山崩崖

此聽奮也。羣蛙爭吹。此聽驕也。萬筮迭響。此聽怒也。
飛霆急雷。此聽驚也。茶沸文武。此聽趣也。琴諧宮羽。
此聽哀也。紙窓風鳴。此聽疑也。皆聽不得其正。特恥
中所意。設而耳爲之辨焉耳。今吾夜中一河九渡。河
出塞外。穿長城。會榆河。潮河。黃花鎮。川諸水。經密雲
城下。爲白河。余昨舟渡白河。乃此下流。余未入遼時。
方盛夏。行烈陽中。而忽有大河當前。赤濤山立。不見
涯涘。蓋千里外暴雨也。渡水之際。人皆仰首視天。余
意諸人者。仰首默禱于天久。乃知渡水者視水。洄駛
涵蕩。身若逆溯。目若沿流。輒致眩轉墮溺。其仰首者。

非禱天也。乃避水不見。爾亦矣。暇默祈其須臾之命也。哉其危如此。而不聞河聲。皆曰遼野平廣。故水不怒鳴。此非知河也。遼河未嘗不鳴。特未夜渡。尔晝。能視水。故目專於危。方惴々焉。反憂。共有目。復安有所聽乎。今吾夜中渡河。目不視危。則危專於聽。而耳方惴々焉。不勝其憂。吾乃今知夫道矣。冥心者。耳目不為之累。信耳目者。視聽彌審。而彌為之病焉。今吾控夫足為馬。所踐則載之。後車遂縱。輕浮河。寧膝聚足於鞍上。一墜則河也。以河為地。以河為衣。以河為身。以河為性情。於是心判一墜。吾耳中遂無河聲。凡九

渡無虞如坐卧起居於几席之上苟禹渡河黃龍負
舟至危也然死生之辨先明於心則龍與螭蚺不足
大小於前也辨與色外物也外物常為累於耳目令
人失其視聽之正如此而况人生涉世其險且危有
甚於河而視與聽輒為之病乎吾且歸吾之山中復
聽前溪而驗之且以警巧於濟身而自信其聰明者

象記

將為恠特譎詭詎奇鉅偉之觀先之宣武門內現于
象房可也余於皇城見象十六而皆鐵鎖繫足未見
其行動今見兩象於熱河行宮西一身輒動行如風
兩余膏曉行東海上見波上馬立者無數皆穹然如
屋不知是魚是獸欲俟日出暢見之日方浴海而波
上馬立者已匿海中矣今見象於十步之外而猶作
東海想其為物也牛身驢尾馳騰虎蹄淺毛灰色仁
形悲聲耳若垂雲眼如初月兩牙之大二圍其長丈
餘鼻長於牙屈伸如燮卷曲如蟬其端如蠶尾挾物

如鑷卷而納之口或有認鼻為喙者復窺象鼻所在
蓋不意其鼻之至斯也或有謂象五脚者或謂象目
如鼠蓋情窮於鼻牙之間括其通體之最細者有此
比擬之不倫蓋象眼甚細如姦人獻媚其眼光笑然
其仁性在眼康熙時南海子有二惡虎久而不能馴
帝怒命駐虎納之象房象大恐一揮其鼻而兩虎立
斃象非有意殺虎也惡生鼻而揮鼻誤觸也噫世間
事物之微僅若毫末莫不稱天、何嘗一、命之哉
以形體謂之天以性情謂之乾以主宰謂之帝以妙
用謂之神号名多方稱謂太褻而乃以理氣為造化

播賦為造物是視天為巧工而推鑿斧斤不必間歇也故易曰天造草昧草昧者其色皐而其氣靈也磨如將晚未晚之時人物莫辨吾未知天於皐靈之中所造者果何物耶麵家磨麥細大精粗雜然撒地夫磨之功轉而已初何嘗有意於精粗哉然而說者曰角者不與之齒有若為造物缺然者此妄也敢問齒與之者誰也人將曰天與之復問曰天之所以與齒者將以何為人將曰將使之噬物也復問曰使之噬物何也人將曰此夫理也禽獸之無手也必令嘴喙俛而至地以求食也故鶴胫既高則不得不頸長然

猶慮其或不至地則又長其嘴矣苟令鷄脚效鶴則
誠死庭間余大笑曰子之所言理者乃牛馬鷄犬耳
天與之齒者必令佻而噬物也今夫象也樹無用之
牙將欲佻地牙已先距所謂噬物者不其自妨乎或
曰賴有鼻耳余曰與其牙長而賴鼻無寧去牙而短
鼻於是乎說者不能堅守理說稍屈所學是情量所
及惟在乎馬牛鷄犬而不及於龍鳳龜鱗也象遇虎
則鼻擊而斃之其鼻也天下無敵也遇鼠則置鼻無
地仰天而立將謂鼠嚴於虎則非內所謂理也夫象
猶目見而其理之不可知者如此則又况天下之物

萬倍於象者乎故聖人作易取象而著之者所以窮
萬物之度也歟

乘龜仙人行雨記

十四日入避暑山莊望見皇帝殿中黃幄深坐庭班
基稀庭中獨有一老人髻繫仙龜中衣黃衫黑方領
綠袂皆黑腰係紅羅飄帶履赤舄鬚髯半白而過眴
杖端係金葫蘆及錦軸右手持芭蕉扇立大龜上周
行庭除龜仰首噴水如垂虹龜色青黑大如盤托初
噴細雨殿簷瓦溝淋漓細沫飛跳霏靄籠罩或內花
盆而噴或內假山而灑少焉雨勢益壯簷溜暴霏霖
鈴殿角斜陽如垂水晶簷殿上黃瓦濺々欲流苑東
樹葉益明麗水滿一庭霈然周洽然後退入右帳中

黃門數十人各持竹帚掃除庭水龜腹雖貯水百斛
不能如此滂沱也且不令霑人衣服其行雨之功可
謂神矣若夫四海之望雲霓而霑澤止于一庭中亦
已矣

萬年春燈記

皇帝移御苑東別殿千官出避暑山莊皆騎循宮牆
行五里餘入苑門左右浮圖高六七丈佛宇及牌樓
彌亘數里殿前黃幄連天幄前皆白幕沈、懸彩燈
千百前立紅闌三所高皆八九丈樂作陳雜戲日既
曛懸黃色大櫃于紅闌櫃底忽落一燈其大如鼓燈
聯一繩、端火忽自燃緣繩而走上及櫃底櫃底又
垂一圓燈繩火燒其燈落地自櫃中又垂鉄簷簾子
簾面皆篆壽福字着火青瑩良久壽福字火自滅落
地又有櫃中垂下聯珠燈百餘行一行所聯為四五

十燈、中次第自燃一時通明又有千餘美兒男子
無髯鬚衣錦袍戴綃幘各持丁字杖兩頭皆懸小紅
燈進退回旋作軍陳狀忽度而為三座鰲山忽度而
為樓閣忽度而為方陣既黃昏燈光益明忽度而為
萬年春三字又度而為天下太平四字忽度而為兩
龍鱗角介尾蜿蜒轉空頃刻之間度幻難合而不錯
鉢黍字劃宛然只聞數千靴響而已此斯須之戲耳
其紀律之嚴有如是者以此法臨軍陣天下孰敢嬰
之哉然而在德不在法況以戲示天下哉。

梅花砲記

日既黃昏萬砲出苑中聲震天地梅花四散如扇成
而火矢逆流也窺鏡嫣然迎風欹斜魯錢欲古免嘴
未數繼以瓶史月表女士殿最附綬分明葉麝麝纖
皆大而飛也纖而鳥獸蟲魚之族飛走蠕躍咸具情
狀鳥或展翅而仰或以味刷羽或以趾刮目或趁蜂
蝶或啣花菓獸皆騰驤罕攫呀口張尾千態萬狀皆
赫々火飛至半空冉冉而銷砲聲益大火光益明而
百仙萬佛迸出飛昇或乘槎或乘蓮舟或騎鯨駕鶴
或擎葫蘆或負寶釧或飛錫杖或跣足踏蘆或手撫

虎頂無不泛空徐流目不暇視閃々羞明正使云梅花砲分列左右者共桶或大或小長或三四丈短者三四尺製類我國三穴銃火焰之橫亘半空如我國神機箭火未及滅皇帝起而頌班禪小話棄輦還內時方昏黑而無一燈前導大約八十一戲以梅花砲絡之名曰九九大慶會

蠟嘴鳥記

蠟嘴鳥小於鳩大於鶻灰色而翠羽大嘴如蠟所以名也又名梧桐鳥能曉人語凡有指使莫不應拜聽承有馴而貨于市者以敝牌三十二箇貯器中以掌摩平令覘者取牌一箇識其為某牌然後以其牌與馴鳥者則馴鳥者遍以示衆然後還置器中再撫摩使亂之呼鳥取其牌則鳥即就器中以嘴含其牌飛上又木取視之果所識其牌也豎五色旗令鳥拔其色旗則亦應拜拔以與人紙造重簷黃屋車駕象令鳥驅車鳥悅首入象腹下以嘴含象兩股間以推

之凡轉磨馳射舞虎舞獅悉隨人指揮無一錯誤者
又以紙為小殿閣九重闔闔令鳥入殿中取其物來
鳥即飛入隨蹄舍來列置桌上雖不能言語如鸚鵡
其巧慧似勝之役使良久鳥不勝熱張口吐舌汗浹
毛羽每一使弄輒食麻子一粒馴鳥者每自口中出而
與之

萬國進貢記

乾隆四十五年庚子皇帝壽七十巡自南方直北還
熱河秋八月十三日乃皇帝千秋節特召我使前赴
行在泰庭賀余從使者北出長城晝夜兼行道見四
方貢獻車可萬兩又人擔輓負轎駕而去勢如風雨
其扛而擔者物之尤精軟云每車勒馬騾六七頭輜
或聯扛駕四騾上挿小黄旗皆書進貢字進貢物皆
外果狸、毡諸色氍毹音方屬毡竹簾藤席皆稱玉
器一車道躐方改裝所果藤席磨熨稍露櫃面櫃黃
漆可如一間小亭正中書紫琉璃普一座普下一上

可有二三字而席角小掩不可見也何物琉璃器其
大如許視此可推諸車所載日既黃昏益見車乘爭
道催趕篝燈相照鈴鐸動地鞭聲震野虎豹裝檻押
者十餘乘押皆有旌終容一虎、皆鉄鉏鎖項眼光
黃碧轉地狼體甚卑而豐毫尾尾能、狐鹿之類不
可彈記鹿有紅羈如馬牽者此馴鹿也鄂羅斯犬高
幾如馬通身骨纖毛淺疏無峙立脰瘦如鶴尾四如
蛇腰腹細脩從耳至喙可尺餘皆口也能逐殺虎豹
有大鷄形類橐駝高三四尺足如駝蹄鼓翅日行三
百里云名馳鷄晝日所閱皆應此類而上下行忙無

心而過適日暮下隸聞豹信者遂與副使書狀登虎
車始知日間萬車不獨玉器寶玩亦多四海萬國奇
禽怪獸也聽戲時有二極少馬載珊瑚樹自殿中的
歷而出馬高絛二尺色黃白然鬃鬣罕地嘶哮騰驤
具駿馬之體珊瑚樹枝幹扶疎大於馬朝日自行在
門外獨步故館道見一婦人乘太平車而行面施粉
白衣錦綳車旁一人跣足拂鞭驅車甚疾髮短覆肩
而端皆卷曲如羊毛以金環箍額面赤而肥眼圓如
貓隨車行觀者雜遘緇塵漲空初驅車者形殊不類
故未及察車上婦人更熟視之非婦人乃人形而就

類也手毛如猿所持物若摺扇瞥視則貌似絕艷然
視之審如老嫗而妖屬長鱗數尺餘車褰帳帷左右
顧眄目如蜻蜓大抵南方產能解人意云或曰此山
都也

余與蒙古人博明問此何獸博明言昔從將軍豐
公昇額出玉門関距燉煌四千里宿山谷間朝起
失帳東木匣皮箱當時同遊幕侶取次見失軍中
有言此野婆盜之也發卒圍之野婆皆乘木捷如
飛操勢窮哀號不甯就執皆自經樹梢而死盡得
所失箱篋封鎖如旧開視之器物亦卒無所遺毀

而箱內悉藏朱粉多首飾奩裝得佳鏡亦有針線
刀尺蓋獸而效婦人都治自喜者也俞黃圃問余
漠北異覩余言馳鷄黃圃賀曰此乃極西奇畜生
中國者聞名而未覩形公外國人乃能見之也為
言山都皆無見之者余自熱河還時至清河市中
有一矮人長才二尺餘腹大如鼓彭漲類所西布
帛和尚口眼皆尾低無腕無脛即有手足含烟昂
藏而行張手回旋而舞視人輒大笑獨不難髮為
髻於腦後繫仙桃巾布袍袖闊坦然露腹狀貌雍
鍾難以言語盡其形容之詭奇也造物者可謂太

嗜詼諧余舉此言諸黃圃黃圃諸人皆曰此名天生
異物人而鼈弄者也即今市肆間多見之云平生
詭異之觀無逾在熱河時然多不識其名文字之
所不能形者皆闕不錄可恨也哉平溪兩屋燕巖
識



